



Գևորգ Էմին

Իսպանուհու պարը

Իսպանացին -
Նա չի պարում,-
Նա սիրում է ,
Հմայում է ու տիրում է.

Իսպանուհին,-
Նա չի պարում,-
Նա սիրվում է,
Հմայվում է ու տիրում է...

Իսպանացին,
Նա չի պարում.-
Նա, նախ ոտքով,
Ռիթմն է խփում
Կրքի,
Միրո,
Մենամարտի.

Իսպանուհու
Ձիթապտուղ - սև աչքերի հետ է խոսում,
Կրծքի գարդի,
Հյուսքի վարդի.
Եվ պատասխան է ստանում-

Աչքի փայլով,
Հոնքի նետով,
Կաստեռի պես սրտին խփող
Կաստանյետով...

Եվ խոսում է նա կրքի հետ,
Կնոջ շրթի ու կրծքի հետ,
Նրա կոնքի ջիգ քնարի,
Նրա ծոցի և գրկի հետ...

Եվ սերը՝ մահ,
Եվ մահը՝ սեր,
Որի միակ վերջնահանգը
Դաշույնն է սև...

Եվ չգիտես,-
Ով է դահիճն և ով գոհը,
Ով է ցուլը,
Ով նրանցից ցլամարտիկ մատաղորը,
Եվ, ով - ում է ուզում սիրել,
Եվ, ով ում է ուղում տիրել,
Ով - ում սիրտը՝ դաշույն խրել,-

Երբ երկուսն էլ-
Եվ մեղք են, և մեղավոր են.
Երբ կիրքը դեռ
Այրող հուր է,
Խոցող սուր է.
Եվ չի իջել
Մահվան դաժան վարագույրը ...